

Tɔnɔ kɔlɔ
 PLYEERI
 na pɔpɔnt o ki bile tɪn

Tɔnɔ kɔlɔ PLYEERI na pɔpɔnt o ki bile tɪn na brɪ
 dɪbam kɔlɔ tɪn mɔ tɪntɔ

PLYEERI dɛɛn pɔpɔnt tɔnɔ kɔntɔ balɔ maama na
 tɔgt Zezi tɪn ŋwaant mɔ. Vwan zaastm tiinɛ zanzan dɛɛn
 tu ba zɔ Zezi nɔɔna bam wɔnt. Ba zaastm dɪm ma pa
 nɔɔna ki wo-digiru kikiɛ dwi maama.

Dɪ na maŋt sɪ dɪ ki te sɪ dɪ vɪn zaastm dɪm kɔntɔ
 tɪn, kɔ yɪ sɪ dɪ taa ve yigɛ Zezi cwɛŋɛ kam wɔnt sɪ dɪ
 lwart o cɪga kam dɪ wɛli da, nɪ balɔ yɪ na nɛ Zezi tɪn na
 brɪ dɪbam te tɪn.

PLYEERI dɛ yigɛ o brɪ Wɛ nɔɔna nɪ ba maŋt sɪ ba taa
 ŋwɪ nɪ Wɛ na lagt te tɪn mɔ, sɪ ba taa zɪgt kɛŋkɛŋ cɪga
 kalɔ Zezi tɪntɔŋna bam na brɪ-ba tɪn wɔnt (pɔɔrɪm 1).

O ma daarɪ o cɪ vwan zaastm tiinɛ bam dɪ wo-balwaarɔ
 tɪlɔ ba na jaant ba zɔ Wɛ nɔɔna bam tɪtarɪ tɪn (pɔɔrɪm
 2).

O laan ma brɪ nɪ nɔɔna balɔ na tɛ ba wɪ: «Zezi daa
 bá joori o ba» tɪn, kɔ yɪ vwan mɔ. Zezi na daant yɪ o ta
 wɔ tu tɪn, kɔ yɪ o ki wɔ-zuru mɔ dɪ nɔɔna, sɪ kɔ pa ba
 maama na cwɛŋɛ ba lɛni ba wɔrɔ ba yagɪ kɛm-balwaarɔ
 sɪ Wɛ vrɪ-ba (pɔɔrɪm 3).

¹ Amɔ Simɔn PLYEERI mɔ pɔpɔnt tɔnɔ kɔntɔ. A yɪ
 Zezi Krisi gamba-sono mɔ, yɪ a kwɛri a yɪ o tɪntɔŋnɔ
 wɔlɔ o na kuri tɪn. Amɔ pɔpɔnt a pa abam balɔ Wɛ na
 pɛ á jɪgt wɔ-dɪdɔba dɪ Zezi Krisi kɔ maŋt dɪ dɪbam dɪ
 na jɪgt wɔ-dɪdɔba dɪd-o te tɪn, o na yɪ cɪga tu tɪn ŋwaant.
 Wɔntɔ mɔ yɪ dɪbam Tu Wɛ dɪ dɪ Vɪrɔ.

² WE wó pa abam yu-yoŋo dɪ yazurə kʊ ja gaalt, dɪ á na tu á lwart-Dl yɪ á ta kwəri á lwart dí Yuutu Zezi tɪn.

Dí maŋt sɪ dí taá ŋwɪ sɪ kʊ maŋt dɪ WE na lagɪ te tɪn

³ WE dam tu Zezi Krisi pɛ dɪbam woŋo kʊlʊ maama na paɪ dí jɪgt ŋwɪa WE tee nɪ yɪ dí daart dí tɔgt Dl cwəŋə lanyɪrant tɪn, dɪ o na pɛ dí lwart Banja-WE dɪlʊ na kuri dɪbam sɪ dí tɔgt dí na Dl paart-zulə, sɪ dí taá kɪ lanyɪrant nɪ dɪntʊ na kɪ lanyɪrant te tɪn. ⁴ Kʊ tɔgt Dl zənə yam kʊntʊ ŋwaant mʊ, yɪ Dl pa dɪbam wo-laaru tɪlʊ na tiini tɪ jɪgt kuri yɪ Dl ya go ni sɪ Dl pa dɪbam tɪn. Dl zəni abam kʊntʊ, sɪ Dl pa á want á lu lʊgbʊ banja wo-yɔɔrʊ tɪlʊ fra na gant nɔɔna kʊ paɪ ba wʊbʊŋa cɔgt tɪn mʊ, sɪ á daart á taá jɪgt WE ŋwɪa kam á bɪcara nɪ.

⁵ Kʊntʊ ŋwaant, á tiini á kwaant
sɪ á pa lanyɪrant kəm tɔgt dɪ wəli á wʊ-dɪdʊa kam á na
maŋt á kɪ dɪ WE tɪn nɪ,

sɪ á wəli yəno á lanyɪrant kəm dɪm dɪ wʊnɪ,

⁶ sɪ á daart á ja á tɪtɪ á wəli á yəno kʊm wʊnɪ,

sɪ á wəli pu-dɪa á na jɪgt á tɪtɪ te tɪn wʊnɪ,

sɪ á taá tɔgt WE cwəŋə lanyɪrant á wəli á pu-dɪa kam dɪ
wʊnɪ,

⁷ sɪ á taá jɪgt á ko-biə ŋwaŋa á wəli á na tɔgt WE cwəŋə
lanyɪrant te tɪn wʊnɪ,

sɪ á taá soe nɔɔna á wəli á na jɪgt da-ŋwaŋa te tɪn dɪ
wʊnɪ.

⁸ Abam na stɪnt á jɪgt wo-laaru tɪm kʊntʊ kʊ ja gaalt,
tɪ wó cɪ abam sɪ á yɪ taá yɪ yawɔrɪ-nyɪna, yɪ kʊbʊ pa á
fɔgt á tiini á lwart dí Yuutu Zezi Krisi á wəli da. ⁹ Nɔɔnʊ
wʊlʊ nan na ba jɪgt wo-laaru tɪm kʊntʊ tɪn, kʊntʊ tu
wart o lwart WE cɪga kam, o nyɪ dɪ lilwe mʊ te. O swe
nɪ o dɛɛn na kɪ lwarma yalʊ tɪn maŋt ya saart.

¹⁰ KUNTU ŋwaanti, a ko-biə-ba, WE na bəŋi abam si á taá tɔgi-DI yi DI kuri abam si á taá yi DI nɔɔna tɪn, kwaanti-na á pa á na tɔgi-DI te tɪn tiini kʊ taa jɪgt kuri lanyɪranti. Á na kwaanti á kɪ kuntu doŋ, á daa bá ywəri WE cwəŋə kam wunti. ¹¹ KUNTU, WE wú yagɪ cwəŋə DI pa abam fast, si á na jəŋə je Zezi Krisi paari dɪm wunti. Wuntu mʊ yi dɪbam Yuutu dɪ dí Vɪrnu, yi o paari dɪm ba jɪgt tiim maŋa dɪ maŋa.

¹² Mʊ kʊ kuri amʊ joori a pat á guli wo-laaru tɪm kuntu woŋo maŋa maama. Abam nan maŋɪ á ye-tɪ, yi á sɪnti á tɔgi cɪga kalɔ á na lwart tɪn. ¹³ A nan buŋɪ nɪ kʊ lana, si amʊ ta na wʊ lʊgʊ baŋa nɪ tɪn, si a taa guli abam kuntu doŋ, si kʊ pa á taá jɪgt tɪ wʊbʊŋa. ¹⁴ A ye nɪ kʊ daa bá daanti si a tɪ, nɪ dí Yuutu Zezi na pɛ a lwart te tɪn. ¹⁵ Amʊ nan wú kwaanti a kɪ woŋo kʊlʊ na wú pa á taá wat á guli wəənu tɪm kuntu gulə maŋa maama amʊ tʊbʊnti kwaga nɪ tɪn.

Dí na sɪnti dí lwart Zezi cɪga kam te tɪn

¹⁶ Dɪbam dɛɛn pɛ á lwart dí Yuutu Zezi na tu dɪ dam nabiinə tɪtari nɪ te tɪn. Dí na pɛ á lwart o cɪga kam kuntu tɪn, kʊ daɪ sɪnswali mʊ dí mɛ dí brɪ abam nɪ nɔɔna na maɪ ba tɪtɪ swan ba brɪ te tɪn. Dɪbam tɪtɪ yi nan mʊ nɛ o na jɪgt WE paari-zulə cɪga cɪga te tɪn. ¹⁷ Dí ma na Zezi na joŋi tɪə dɪ zulə o Ko WE tee nɪ maŋa kalɔ o yibiyə na ləni yi Paŋwa Baŋa-WE ŋɔɔnti DI wɪ:

«Amʊ Bu mʊ tɪntʊ, a so-o dɪ a wʊ maama.

Amʊ tiini a jɪgt wʊpolo dɪd-o.»

¹⁸ Dɪbam tɪtɪ ni kwərə kam kuntu na ŋɔɔnti WE-sɔŋo nɪ maŋa kalɔ dɪbam dɪ Zezi dɛɛn na wʊ piu kʊlʊ WE na ŋɔɔnti kʊ yuu nɪ tɪn.

¹⁹ KUNTU, dí nan ta ye fast nɪ taanti dɪlʊ WE nijorŋə bam na brɪ faŋa faŋa tɪn sɪnti dɪ yi cɪga mʊ. Kʊ maŋɪ

si á taá maant á nii di na yi te tɪn. Taant dɪntu nyi di ba na tarigi kanta ba zigi lim je ni yi ka paɪ pooni wɔra si kɔ vu kɔ yi ti-pɔra te tɪn mɔ. Zezi Krisi pooni dɪm laan wɔ ba di taa wɔ á bɪcara ni, ni naŋɔɔ na fuŋi yi pooni wɔra te tɪn. ²⁰ Kɔlɔ na dwe dɪdi si á lwarɪ tɪn mɔ tɪntɔ: Nɔɔn-nɔɔnɔ bá want o ma o tɪti wɔbɔŋa yɪrant o brɪ Wɛ kwɛrɛ kalɔ na pɔpɔnt Dɪ tɔnɔ kum wɔnt tɪn kuri. ²¹ Bɛŋwaant Wɛ kwɛrɛ kam Dɪ nijɔŋnɔ bam dɛɛn na tɔɔli tɪn wɔ nuŋi nabiinɔ wɔbɔŋa wɔnt. Kɔ nan yi Wɛ Joro kum mɔ pɛ nɔɔna jɪgi dam yi ba wat ba tɔɔli Wɛ tɪti kwɛrɛ kam.

2

*Vwan zaastm tiinɔ na wɔ ba ba gant nɔɔna te tɪn
(Zudi 4-13)*

¹ Faŋa faŋa tɪn, nɔɔna dɛɛn mɔ wɔ Wɛ nɔɔna bam wɔnt ba na brɪ ni ba yi Wɛ nijɔŋnɔ yi ba yagi ba dat. Vwan zaastm tiinɔ di wɔ ŋɔ ba zu abam wɔnt kɔntɔ, yi ba ki swan ba brɪ abam zaastm dɪlɔ na dat Wɛ nyɪm yi di cɔgi nɔɔna tɪn. Bantɔ mɔ vɪn ba Yuutu Zezi wɔlɔ na ŋwi ba lwarɪm jɪnt si ba taa yi o nɔɔna tɪn. Kɔntɔ ŋwaant ba kikiɔ yam wɔ pa Wɛ cɔgi-ba lɪla. ² Nɔɔna zanzan nan wɔ sɛ ba tɔgi ba na brɪ kɔlɔ tɪn, yi ba di ki ba wo-digiru kikiɔ yam kɔntɔ doŋ. Ba na ki wɛnu tɪlɔ tɪn wɔ pa nɔɔna taa yáali Wɛ zaastm dɪlɔ na yi cɪga tɪn. ³ Vwan zaastm tiinɔ bam kɔntɔ na yi wo-swɛn-nyɪna tɪn, baá kwaant ba ma bɪtar-ywe ba gant abam, si ba ma na nyɔɔrɪ abam baŋa ni. Wɛ nan maŋɪ Dɪ ti Dɪ yigɛ faŋa faŋa si Dɪ di bantɔ sariya, yi cam wɔ ba ba baŋa lɪla.

⁴ Kɔ nan na yi malest sɪlɔ dɛɛn na cɔgi tɪn di, Wɛ wɔ yagi-sɪ. Dɪ di-sɪ Dɪ yagi min-tɪlɔ ni mɔ, mɛ ba na kwaari-sɪ lim wɔnt, si si taa wɔra taan, si kɔ vu kɔ yi Dɪ sariya dɛ dɪm tɪn. ⁵ Wɛ dɛɛn wɔ yagi faŋa faŋa nɔɔna

balu na wɔ luɔɔ baɲa nɪ yɪ ba kɪ lwarɪm tɪn. Nowe mu WE vrɪ Dɪ wɛli dɪ nɔɔna barpɛ, dɪ wɔntu na tɔɔli WE cɪga kam o brɪ nɔɔna te tɪn. WE ma daart Dɪ cɔɔɪ balu na vɪn Dɪ ni tɪn, Dɪ pa dɔa tiini ka nɪ yɪ na li luɔɔ baɲa, yɪ ba maama tɪ.

⁶ Ku daa ta na yɪ nɔɔna balu dɛɛn na zɔvri Sodom dɪ Gomɔɔri nɪ tɪn, WE pɛ mini mu di ba je sɪm kuntu ku daart tintwarɪm yɪrɪnɪ, sɪ ku brɪ nɪ ba ba jɪɔɪ bura. Dɪ cɔɔɪ-ba kuntu sɪ ku taa yɪ maana mu ku pat balu maama na buɲɪ sɪ ba vɪn Dɪ ni tɪn. ⁷ Dɪ ma daart Dɪ vrɪ lɔɔɪ ba wɔnɪ. Wɔntu dɛɛn mu sɛ WE cɪga kam, yɪ o wɔ tiini ku cɔɔɪ dɪ nɔn-balwaarɔ tɪm na kɪ wo-digiru kikiɛ te tɪn. ⁸ O na yɪ nɔn-ɲum yɪ o zɔvri dɪ ba tɪn, o nat ba kəm-lwaanɔ tɪm dɛ maama yɪ o ni ba niɔ-bitari sɪm na yɪ te tɪn. Ku maa tiini ku jɪɔɪ wɔ-cɔɔɔ dɪd-o dɪ ba na tɔɲɪ ba cɔɔɪ WE cullu tɪm te tɪn.

⁹ Kuntu, dɪ Yuutu Baɲa-WE wat Dɪ vrɪ balu na tɔɔɪ-Dɪ tɪn sɪ ba yɪ cɔɔɪ dɪ maɲɪm dɪlɔ na yi-ba tɪn. Ku nan na yɪ balu na vɪ-Dɪ tɪn, Dɪ wat Dɪ pɪna yɪ Dɪ cɔɔɪ-ba sɪ ku vu ku yi Dɪ sariya dɛ dɪm, sɪ Dɪ laan pa ba na cam. ¹⁰ Ku na dwe dɪdɪ balu na tɔɔɪ wo-digiru kikiɛ yalɔ ba fra na zɔvri yɪ ba ba lagɪ sɪ ba sɛ wɔlɔ na jɪɔɪ ni ba baɲa nɪ tɪn, WE wɔ pa ba na cam ku ja gaalɪ.

Vwan zaasɪm tiinɛ bam kuntu ba kwari cavɪra, ba nan ba nɪɔɪ nɔɔn-nɔɔnɔ dɪ. Ba maa ba kwari fɔvɪnɪ sɪ ba ɲɔɔnɪ ba twɪ dɪdɛera balu na wɔ wɛyuu tɪlampolo nɪ tɪn. ¹¹ Nan dɪ WE malest sɪm na tiini sɪ jɪɔɪ dam sɪ dwe vwan zaasɪm tiinɛ bam kuntu tɪn, sɪ ba sɛ sɪ twɪ dɪdɛera bam kuntu sɪ ɲɔɔnɪ ba wɔɲo dɪ Yuutu wɔm yigɔ nɪ. ¹² Vwan zaasɪm tiinɛ bam yɔni ba ɲɔɔnɪ ba twɪ wɔɔnu tɪlɔ ba na yɔri tɪ kuri tɪn mu. Ba ma kɪ yɔɔ yɔɔ nɪ ga-vara na ba jɪɔɪ wɔbɔɲa yɪ ba kɪ te tɪn. Ga-vara wura sɪ nɔɔna mu taa jaanɪ-ba ba gɔlɪ. Nɔɔna bam kuntu dɪ nan

wó cɔgt nɪ ga-vara mu te. ¹³ WE wó pa ba na yaara si ku maɲɪ dɪ ba dɪ na pɛ nɔɔna na yaara te tɪn. Ba ma ki wɔpolo dɪ wo-digiru tɪlɔ ba fra na zɔɔrɪ tɪn, yɪ ba ki-tɪ jaja wɪa tɪtari nɪ. Ba kəm dɪm yɪ digiru dɪ cavura mu abam tɪtari nɪ, maɲa kalɔ á na yəni á la daant si á di wɔdiu yɪ ba ta ki wɔpolo dɪ ba lwarɪm dɪm tɪn. ¹⁴ Bantu wɔbɔɲa zɔ boorim kikiə yɪrant mu. Ba brɪ ba ba jɪgt siun dɪ wo-balwaarɔ kəm, yɪ ba sɔgt balɔ wɔbɔɲa dɪ na bwənə tɪn ba pat ba tusə. Ba maa tiini ba yɪ wo-swənnyɪna dɪ. WE nan wó cɔgt-ba. ¹⁵ Bantu ma yagɪ cwə-laa tɔgtɪm, yɪ ba ywəri ba vu ba tɔgt Bozori bu Balam cwəɲə kam. Wuntɔ yɪ dɛɛn ma su səbu kulɔ o na wó na o kəm-balɔɔ kum ɲwaant tɪn. ¹⁶ O na vɪn WE ni tɪn, Dɪ ma pa varɪm na ba ɲɔɔntɪ tɪn ɲɔɔntɪ nɪ nabiinu te. O tɪtɪ bɪnaga mu ɲɔɔntɪ ka kaan-o, si ku cɪ Balam na yɪ WE nijɔɲnu tɪn dɪ jwərim dɪlɔ o na lagɪ o ki tɪn.

¹⁷ Nɔɔna bam kuntu nyɪ dɪ buli-yiə yalɔ na ba buri tɪn mu, yɪ ba ta nyɪ dɪ kunkwəənu tɪlɔ vu-fɔɔɔ na kalɪ ku pa tɪ jagɪ tɪn. WE nan lɪ jəgə kalɔ na tiini ka yɪ lim tɪn mu si Dɪ ki-ba da. ¹⁸ Ba maa tiini ba ɲɔɔntɪ kamunni-bɪtari stɪlɔ na ba jɪgt kuri tɪn, yɪ ba maɪ wo-yɔɔrɔ tɪlɔ nabiinə fra na zɔɔrɪ yɪ tɪ yɪ wo-digiru tɪn ba ma ganɪ balɔ laan na pɔɔrɪ ba tɪtɪ dɪ nɔɔna balɔ na yəri WE cwəɲə tɪn. ¹⁹ Ba maa tɛ dɪ nɔɔna nɪ, ba na dɛ bam cwəɲə kam, baá ta te ba tɪtɪ. Balɔ nan na tɛ kuntu tɪn tɪtɪ yɪ gambɛ mu, dɪ ba kikiə yam na jɪgt-ba ya ve cɔgtɪm wuntɪ tɪn. Bɛɲwaant, wɔɲo kulɔ maama nɔɔnɔ na pat ku te-o tɪn, o yɪ ku gambaa mu. ²⁰ Nɔɔna balɔ na lwarɪ Zezi Krisi wɔlɔ na yɪ dɪbam Yuutu dɪ dɪ Vɪrɔv tɪn, ba lugi lɔgɔ baɲa wo-digiru tɪm mu. Ba laan nan na joori ba pipiri ba sɛ ba pat tɪ te-ba, ba kweelim je wó tiini ku taa yɪ lɛɛrɔ dɪ ba ku dwəni pulim nɪ. ²¹ Bɛɲwaant, ba ya na wɔ lwarɪ WE cɪga cwəɲə kam, ku ya wó ta lana ku pa-ba ku dwe

ba na lwart-ka yi ba laan pipiri ba za ba wuburja di WE ni dilu Di na pe-ba si ba taa togti tin. ²² Bantu na ki te tin nyi di bitar-dindia kalu na tagi ciga ka wi:

«Kakurə joori ka di ka titwaanu.»

Bitar-dindia kadorj di ta wi:

«Nmɔ na jaani taru n swe o yira,

o ta wu joori o bibili bwəru wuni mu.»

3

Dí Yuutu Zezi wu sɔni o joori o ba ni o na tagi te tin

¹ Amɔ badon-sonnu-ba, tɔnɔ kuntu amɔ na pupuni a pa abam tin laan ki tile mu. Twaanu tim kuntu maama wuni amɔ kwaanu si a guli abam WE ciga kam na yi te tin, si ku pa á taá jigi wuburj-ɔna mu. ² Ku yi si a ma guli abam faɔa faɔa WE nijɔnə bam na maɔi ba bri kulu tin mu, si á daari á guli dí Yuutu di dí Vɔru Zezi ni dim o tintɔɔna bam na bri abam tin.

³ Kulu na dwe didi tin, á taá ye ni, lugu baɔa tiim da yam na yiə, nɔɔna badonnə wu ta wura ba na togti wo-yɔɔru tilu ba titi fra na zɔru tin, yi baá ta jigi abam ba mwana ba wi: ⁴ «WE goni ni ni Di Bu wum ta wu joori o ba lugu baɔa. BEE mu nan kia yi o ta wu tu? Dí kwə maɔi ba ti, yi wənu maama nan taa yi ni ti na maɔi ti yi te lugu baɔa pulim ni tin mu.»

⁵ Balu na ɔɔni kuntu tin paali ba swe mu. Ba ba lagi si ba se ni weyuu di tɔga baɔa maɔi ti wura faɔa faɔa mu, yi WE ni dim mu pe ti wura kuntu. WE deen pe tɔga kam nuɔi na wuni mu, yi na bam ɔwaaɔi pa lugu baɔa ta wura. ⁶ Ku nan ta yi na mu WE deen me Di cɔgi faɔa faɔa lugu kum, di Di na pe du-fara kam ni yi ka na bam li-ku tin. ⁷ Ku nan ta yi WE ni dim kuntu mu paɔ zim weyuu di tɔga baɔa kam ta wura, si ku taa ve maɔa

kam DI na wú pa mini cɔgi-ti tɪn. Kuntv, WE tiŋi-ti si kv vu kv yi de dɪlv DI na wú di nabiinə sariya, yi DI daari DI cɔgi balv na vi-DI tɪn mv.

⁸ A badon-sonnu-ba, á maŋi si á lwarɪ woŋo kuntv ni ni, kv na yi di dí Yuutu Baŋa-WE, de didwi nyi di bɪna mɔrv mv, yi bɪna mɔrv di nyi di de didva mv te WE tee ni. ⁹ Nɔɔna badaara bɔŋi ni dí Yuutu wɔm daani yi o wɔ tu ni o na goni ni te tɪn. O nan ki wɔ-zuru mv di abam, beŋwaanti o ba lagi si nɔɔn-nɔɔnv cɔgi, o lagi si nɔɔna maama mv na cwəŋə ba ləni ba wɔrv ba yagi kəm-balwaarv tɪm. ¹⁰ Dí Yuutu Zezi tum de dɪm nan wú ba di dari dɪbam ni ŋwɪlv na yəni o ba te tɪn mv. De dɪm kuntv ni sɔɔ zanzan wú ki weyuu ni, yi weyuu kɔm wú ba kv je maama. Kv daari mini mv wú di wənu tɪlv maama na wɔ weyuu ni, yi tɪga di wənu tɪlv maama na wɔ ka baŋa ni tɪn je.

¹¹ Wənu tɪntv maama nan na lagi ti ba ti cɔgi kuntv tɪn, á ye á laan na maŋi si á taá yi te. Á maŋi si á taá tɔgi WE di wɔ-poŋo mv, si á taá ki DI wɔbɔŋa na lagi te tɪn. ¹² Abam nan na cəgi de dɪm WE na wú pa Zezi joori o ba tɪn, si á kwaanti á taá ki te na wú pa o ba lɪla tɪn. De dɪm kuntv na yiə, mini mv wú di weyuu maama di cɔgi, yi kvb pa kv wənu maama lɔnt yi ti nyɪlv ti cɔgi. ¹³ WE nan goni ni si DI ki weyuu-dvŋv di ti-dvŋa mv. Dáani mv DI wú pa wənu maama taa tɔgi cɪga. Tɪntv wənu tɪm mv dɪbam nan cəgə yi dí tɪna.

¹⁴ Kuntv ŋwaanti, a badon-sonnu-ba, á na cəgi wənu tɪm kuntv si ti ba ti ki tɪn, á kwaanti á pa á wɔrv taa lana, si á yi taá jɪgi tusim WE yigə ni, si á daari á taá ŋwi di ywəni di WE. ¹⁵ Dí Yuutu wɔm nan na ki wɔ-zuru yi kv daani tɪn, lwarɪ-na ni kv yi si kv ma pa nɔɔna mv na cwəŋə ba na vrɪm. Dɪbam ko-bu-sono Pooli maŋi

o pɔpɔnt kuntu doŋ mu o pa abam, ku nan tɔgi di WE na pɛ-o swan yalɔ tɪn mu. ¹⁶ O na pɔpɔnt twaanɔ tɪlɔ maama o ma brɪ wəənu tɪm kuntu cɪga kam tɪn, o yəni o tɛ kuntu doŋ mu tɪ wɔntɪ. O nan pɔpɔnt wəənu tɪdonnə tɪ na dana sɪ nɔɔna wantɪ ba ni tɪ kuri, ku pa balɔ na yəri WE cɪga kam lanyɪrantɪ yɪ ba wɔbɔŋa bwənə tɪn jɪgi o zaasɪm dɪm kuntu ba pipirə, nɪ ba na yəri ba pipiri WE twaanɔ tɪdaara di te tɪn. Ku nan wɔ ja ba tɪtɪ cɔgɪm mu ku ba.

¹⁷ Ku nan na yɪ abam, a badon-sonnu-ba, á laan ye ku na wɔ ba ku taa yɪ te tɪn. Kuntu ŋwaanɪ, taá cɔ-na á tɪtɪ, sɪ á yɪ pa nɔn-balwaarɔ na cwəŋə ba di abam ba tusim dɪm wɔntɪ sɪ ku pa á ga jəgə kalɔ á ya na zɪgi da tɪn. ¹⁸ Á nan ta ve yigə, sɪ á taá ŋwɪ Zezi Krisi zaantɪ dɪm wɔntɪ, sɪ á fɔgi á lwar-o á wəli da.

Wɔntɔ mu yɪ dɪbam Yuutu di dí Vɪrnɔ. Zulə yɪ wɔntɔ nyɪm mu lele kuntu sɪ ku taa ve maŋa kalɔ na ba ti tɪn. Amina.

WƐ TƆnƆ dɪ kasɪm

Kasem (Kassem): WƐ TƆnƆ dɪ kasɪm New Testament

copyright © 1997 Wycliffe Bible Translators, Inc.

Language: (Kasem)

Contributor: Wycliffe Bible Translators, Inc.

All rights reserved.

2020-11-18

PDF generated using Haiola and XeLaTeX on 14 Jun 2022 from source files dated 25 May 2022

993cfae5-b100-5981-87e7-5a648d773cb9